

Sarajevo, 27.01.2023. godine

Skupština Kantona Sarajevo

Admela Hodžić, zastupnica u Skupštini Kantona Sarajevo

KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO

ZASTUPNIČKA INICIJATIVA

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj 41/12 - drugi novi prečišćeni tekst, 15/13, 47/13, 47/15, 48/16, 9/20, 14/20), podnosim inicijativu Vladi Kantona Sarajevo da u narednom period planira i izdvoji sredstva za Općinu Hadžići a koja će se koristiti za stavljanje u funkciju Silosa za žitarice u Tarčinu, te da se također sredstva izdvoje i kreiraju programi podsticaja za narednu sezonu sjetve za poljoprivrednike Kantona Sarajevo koji žele isključivo zasijati žitarice ove godine.

OBRAZLOŽENJE

Posljednjih godina a naročito od početka rata u Ukrajini shvatili smo koliko je važno da gradimo sistem koji će nam omogućiti što veću neovisnost od uvoza za život neophodnih namirnica, te shodno tome damo punu podršku za proizvodnju žitarica (kukuruz, pšenice, ječma, zobi, raži) u BiH. Smatram da je od strateškog značaja da damo što veći podsticaj poljoprivrednicima kroz pažljivo kreirane programe podrške kako bi smo do kraja godine imali zalihe za robne rezerve koje će nam pomoći da osiguramo stabilne cijene brašna i žitarica u Kantonu Sarajevo.

Kada pogledamo statističke podatke koliko zemlje neobrađene imamo na rubnim dijelovima Kantona Sarajevo ali građani se ne usuđuju sami upustiti u ovu avanturu zbog toga što je sve preskupo krenuvši od sjemena, đubriva, goriva i svega ostalog ali uz pomoć kantona i općina sigurno da nam je svima u interesu da imamo sopstvenu proizvodnju.

Općine na Kantonu Sarajevo imaju veoma dobro uređene baze podataka o poljoprivrednicima i njihovim gazdinstvima tako da bi u ovom segmentu mogli pružiti punu podršku i kontrolu kako

bi se poljoprivrednici budući proizvođači žitarica uredno i korektno servisirali po određenim kriterijima.

Mislim da bismo za početak prvo trebali tražiti informaciju od općina koliki je otprilike broj poljoprivrednika koji bi bili zainteresovani za ovakvu vrstu proizvodnje pa zatim i planirati programe i sredstva u te svrhe.

Za Silos za žitarice u Tarčinu potrebno je što prije izdvojiti sredstva i staviti u funkciju i razmotriti mogućnost proizvodnje za robne rezerve Kantona Sarajevo.

Molim Vladu Kantona Sarajevo i nadležno ministarstvo da što prije krene u realizaciju ove inicijative.

Admela Hodžić

Zastupnica u Skupštini Kantona Sarajevo